



UNIVERSITÄTS-
BIBLIOTHEK
PADERBORN

Universitätsbibliothek Paderborn

Petri Danielis Huetii Demonstratio Evangelica

Huet, Pierre Daniel

Parisiis, 1679

Caput centesimum quinquagesimum septimum. Concordia Discipulorum
Jesu.

urn:nbn:de:hbz:466:1-16260

in mari, periculis in falsis fratribus: in labore & arumna, in vigiliis multis, in fame & siti, in jejuniis multis, in frigore & nuditate: prater illa que extrinsecus sunt: instantia mea quotidiana, sollicitudo omnium Ecclesiarum. Et 2. Cor. 1. 10. & 4. 11.

Gal. 6. 17. De cetero nemo mihi molestus sit: ego enim stigmata Domini Jesu in corpore meo porto. Et Phil. 3. 10. & 2. Tim. 2. 11, 12. & 1. Petr. 4. 13.

Col. 1. 24. Qui nunc gaudeo in passionibus pro vobis, & adimpleo ea que desunt passionum Christi in carne mea, pro corpore ejus, quod est Ecclesia.

1. Theff. 2. 14, 15. Vos enim imitatores facti estis, Fratres, Ecclesiarum Dei que sunt in Judea, in Christo Jesu: quia eadem passi estis & vos a contribulibus vestris, sicut & ipsi a Judaeis, qui & Dominum occiderunt Jesum, & Prophetas, & nos persecuti sunt.

Ebr. 10. 32, 33. Rememoramini autem primitivos dies, in quibus illuminati magnum certamen sustinistis passionum: & in altero quidem opprobriis & tribulationibus spectaculum facti; in altero autem socii taliter conversantium effecti: nam & vincitis compassi estis, & rapinam bonorum vestrorum cum gaudio suscepistis, cognoscetes vos habere meliorem & manentem substantiam.

CAPUT CLVII.

Concordia Discipulorum Jesu.

JEREM. 32. 38, 39. Et erunt mihi in populum, & ego ero eis in Deum. Et dabo eis cor unum, & viam unam, ut timeant me universis diebus.

Ezech. 11. 19, 20. Et dabo eis cor unum, & spiritum novum tribuam in visceribus eorum, & auferam cor lapideum de carne eorum, & dabo eis cor carneum, ut in preceptis meis ambulent, & judicia mea custodiant, faciantque ea, & sint mihi in populum, & ego sim eis in Deum.

Soph. 3. 9. Quia tunc reddam populum labium electum, ut invocent omnes in nomine Domini, & serviant ei humero uno.

MATTH. 22. 34, & seq. Pharisei autem audientes quod silentium imposuisset Sadduceis, convenerunt in unum & interrogavit eum unus ex eis Legis doctor, tentans eum, Magister, quod est mandatum magnum in Lege? Ait illi Jesus, Diliges Dominum Deum tuum ex toto corde tuo, & in tota anima tua, & in tota mente tua. Hoc est maximum & primum mandatum. Secundum autem simile est huic, Diliges proximum tuum sicut teipsum. In his duobus mandatis universa Lex pendet & Propheta. Et Marc. 12. 28, & seq. Luc. 10. 25, & seq. Rom. 13. 8, 9. Gal. 5. 14. 1. Theff. 4. 9. Jac. 2. 8. & 1. Petr. 1. 22. & 1. Joh. 2. 9, & seq. & 3. 11, & seq. & 4. 7, & seq. & 2. Joh. 5.

Luc. 13. 34, 35. Mandatum novum do vobis, ut diligatis invicem, sicut dilexi vos, ut & vos diligatis invicem. In hoc cognoscent omnes, quia Discipuli mei estis, si dilectionem habueritis ad invicem. Et 15. 12, 17.

Act. 1. 14. Hi omnes erant perseverantes unanimiter in oratione cum mulieribus, & Maria matre Jesu, & fratribus ejus.

Act. 2. 44, 46. Omnes etiam qui credebant, erant pariter, & habebant omnia communia. Quotidie quoque perorando

unanimiter in Templo.

Act. 4. 32. Multitudinis autem credentium erat cor unum & anima una; nec quisquam eorum qua possidebat, aliquid suum esse dicebat, sed erant illis omnia communia.

CAPUT CLVIII.

Vocatio gentium.

GEN. 12. 1, & seq. Dixit autem Dominus ad Abram In te benedicentur universae cognationes terrae. Et Gen. 18. 18.

Gen. 22. 15, 18. Vocavit autem Angelus Domini Abraham secundo de caelo, dicens Benedicentur in semine tuo omnes gentes terrae. Et Gen. 26. 4. & 28. 14.

Gen. 49. 10. Non auferetur sceptrum de Juda, & dux de femore ejus, donec veniat qui mitendus est, & ipse erit expectatio gentium.

Deut. 28. 43. Advena qui tecum versatur in terra, ascendet super te, eritque sublimior; tu autem descendes, & eris inferior Ipse erit in caput, & tu eris in caudam.

Deut. 32. 21. Ipse me provocaverunt in eo qui non erat Deus, & irritaverunt in vanitatibus suis; & ego provocabo eos in eo qui non est populus, & in gente stulta irritabo illos.

1. Reg. 2. 3, & seq. Nolite multiplicare loqui sublimia gloriantes: recedant vetera de ore vestro Arcus fortium superatus est, & infirmi accincti sunt robore donec sterilis peperit plurimos; & quae multos habebat filios, infirmata est Dominus judicabit fines terrae, & dabit imperium regi suo, & sublimabit cornu Christi sui.

2. Reg. 22. 44. Custodies me in caput gentium; populus quem ignoro serviet mihi.

Psal. 2. 8. Postula à me, & dabo tibi gentes hereditatem tuam, & possessionem tuam terminos terra.

Psal. 17. 44, & seq. Eripies me de contradictionibus populi, constituas me in caput gentium. Populus quem non cognovi, servavit mihi, in auditu auris obedivit mihi.

Psal. 21. 28, & seq. Reminscentur & convertentur ad Dominum universae fines terrae, & adorabunt in conspectu ejus universae familiae gentium; quoniam Domini est regnum, & ipse dominabitur gentium.

Psal. 44. 17. Pro patribus tuis nati sunt tibi filii: constituas eos principes super omnem terram.

Psal. 46. 9. Regnabit Deus super gentes.

Psal. 66. 5. Latentur & exultent gentes, quoniam judicas populos in aequitate, & gentes in terra dirigis.

MATTH. 2. 1, & seq. Cum ergo natus esset Jesus in Bethlehem Juda, in diebus Herodis regis, ecce Magi ab oriente venerunt Ierosolymam, dicentes, Ubi est qui natus est rex Judaeorum? Vidimus enim stellam ejus in oriente, & venimus adorare eum.

Matth. 3. 9. Et ne velitis dicere intra vos, Patrem habemus Abraham; dico enim vobis, quoniam potens est Deus de lapidibus istis suscitare filios Abrahæ.

Matth. 8. 5, & seq. Cum autem introisset Capharnaum, accessit ad eum Centurio rogans, & dicens, Domine, puer meus jacet in domo paralyticus, & male torquetur. Et ait illi Jesus, Ego veniam, & curabo eum. Et respondens centurio ait, Domine, non sum dignus ut intres sub tectum meum, sed tantum dic verbo, & sanabitur puer meus: nam & ego homo sum sub potestate constitutus, habens sub me milites, & dico huic, Vade, & vadit; & alii, Veni, & venit; & servo meo, Fac hoc, & facit. Audiens autem Jesus, miratus est, & sequentibus se dixit, Amen dico vobis, non inveni tantam fidem in Israel: dico autem vobis, quod multi ab oriente & occidente venient, & recumbent cum Abraham, & Isaac, & Jacob, in regno caelorum: filii autem regni ejicientur in tenebras exteriores: ibi erit fletus & stridor dentium. Et dixit Jesus Centurioni, Vade, & sicut credidisti fiat tibi. Et Luc. 7. 2, & seq.

Matth. 10. 18. Ad presides & ad reges ducemini propter me, in testimonium illis & gentibus.

Matth. 12. 17, & seq. Ut adimpleretur quod dictum per Jeremiam prophetam, dicentem, Ecce puer meus quem elegi, dilectus meus in quo bene complacuit anime meae: ponam spiritum meum super eum, & iudicium gentibus nuntiabit. Non contendet, neque clamabit, neque audiet aliquis in plateis vocem ejus; arundinem quassatam non confringet, & linum fumigans non extinguet, donec ejiciat ad victoriam iudicium; & in nomine ejus gentes sperabunt.

Matth. 15. 21, & seq. Et egressus inde Jesus secessit in partes Tyri & Sidonis. Et ecce mulier Chananea à finibus illis egressa clamavit, dicens ei, Misere mei, Domine, fili David; filia mea male à Daemonio vexatur

Eccc iij